

影印
文淵閣

四庫全書

影印

文淵閣四庫全書

第一三六三冊

北京出版集團公司
北京出版社

圖書在版編目(CIP)數據

影印文淵閣四庫全書 / (清)紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字(2012)第059042號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清)紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

兩宋名賢小集(二)

舊題
宋元
陳思編
陳世隆補

.....
一

欽定四庫全書

集部

兩宋名賢小集卷九十五

詳校官中書臣閔思毅

助教臣常循覆勘

總校官編修臣王燕緒

校對官助教臣汪錫魁

謄錄監生臣朱思

欽定四庫全書

兩宋名賢小集卷九十五

宋 陳思 編

元 陳世隆 補

龍雲小集

劉弁字偉明江西安福人登元豐二年進士復中詞科歷官太學博士元符中有事南郊進大禮賦哲宗嘉之除祕書省正字徽宗改著作佐郎實錄檢討官

欽定四庫全書

兩宋名賢小集卷九十五

卒嘗讀書石廊洞中為辭劇剔瑕類卓爾不凡有龍

雲集三十卷

送方絢解元赴試南宮用桂林一枝為韻

君王十二開一一登權奇飽之青玉芻絡以黃金羈南宮舊冀北雜選追風安驪驕固神物豈病孫陽嗤如聞丹桂約暗滿秋風枝

癸酉歲暮壽春道中

有城有城半蕪沒倔強當年開校窟青韁白馬成底事

魏得其狗空凌突清淮不洗餐利腸石白崔嵬化英物
據鞍浩嘆為踟躕但見悲風起蓬勃

有客有客垢髮鬚羹臠挂鞍無宿儲翹心北闕比寒藿
他日南山拋舊廬逆旅丈人真脫意揖我下牀邀踞蹠
悠悠高門擊鮮子萍匏殊根勿謂渠

走筆答郭子隆句稽

春歸幾何時綠樹陰已滿蕭條子雲巷誰借吹噓暖常
日雙柴扉深局類休浣稚燕掠翩翾疎蟬弄淒斷擷芳

欽定四庫全書

兩宋名賢小集
卷九十五

二

聊自娛任從食息懶嶷嶷棲鸞郎蝸居閒三歎兒童憚
逢迎應客事謾誕謝絕高軒榮祗增鼯鼠短賴君不吾
靳慙慙接閭侃酸然梅雨天煩襟斗滄澣

送李侯朝散還任

西山閱今昔章水弄清泚雲睥挿天半滕閣中隱起青
鴛千萬家湖光豁如洗鍾陵一都會信亦非偶爾君來
無幾何所得已倍蓰笑談送白日慷慨拾遺軌成詩殆
百篇天籟落凡耳事竣各還朝相送情難已悲歌一再

行杯觴覆蒼翠秋標拔孤雲鴻雁思吾子

石廊洞

君不見仙家三十六洞天西南大半盤蒼巔此外元陽
擅嶄絕況有石廊人喜傳碧蓮參差隅地涌徙倚危梯
飛歸竦陰陰洞戶半空開一縷聯凹愁寄種萬鈞崔嵬
挂礪石吁可怪兮若飛動天然湫面尋丈間寒掬初慳
媪神捧紫厓蒙茸瑤草秀懸泉涓涓挹天酒淑靈豈即
乾坤私窟宅宛是神仙舊飛鳥點影陽光迴遊子履深

欽定四庫全書

兩宋名賢小集
卷九十五

三

驚殷雷九夏三冬自回乾雨暘寒燠爭喧聒神物奄有
似無謂突兀古廟當巖隈鼯笑舞助怪變落日愁絕
松風哀瞰臨一方殆天意累露之疑此其是仙乎仙乎
胡不歸忍使秋燐泣陰鬼

人日

去年人日螺江邊今年人日在通川故家浩蕩五十里
客子騷屑心茫然霜蘆盡解故時葉生意陡爾歸蘭荃
海風如刀水寒渡欲航野水雪暗天他鄉信美非吾土

香草悅魂真浪傳南冠故聲祗噪楚劉章雅志惟歌田
五秉如單費康粟一囊就盡持殮錢顛毛冉冉不吾與
齒根浮動輕于翾小雀誰言畏死鷄未肯屈折同枯捲
章貢直西三選在爾來望眼欲成穿料桑洗竹真吾事
孰使齷齪纔充員何時解得無拘束歸釣潭頭楓葉騙

送邢清臣赴選

泊丹梅林浦解纜墨潭灣層波日日生雙槳那得閒龐
眉青翰客相與春風還江梅吹欲盡岸柳未勝攀無以

欽定四庫全書

兩宋名賢小集
卷九十五

四

持贈君對君成強顏官況更新好晚步非閒關直北清
夢多半落夷門山慙慙尺素語勿謂魚鴻慳

宿法藏禪院

斜河左界懸朱提冷爐掠天螢糝飛高梧泣液涼參差
前村後村烏夜啼雕甍繡拱絕坤維知自在世張禪扉
有睨釋子龐兩眉清梵一聲捐翠微亂我心曲天之涯
寂歷故感迎新悲歸與誰是真忘機獨鹿水深愁濁泥

憶黃天倪

遊絲胃空生別愁我車欲駕羌無翰驚風吹花濺紅雨
天脚空隨江水流思君度日倚高閣時把長懷寄寥廓
青春九十行過半白日西住看時落古人不顧身後名
但願生前一杯酌安得此身生羽翰高騫便似追飛鶴

村南

村南行吟踏新場馬垂款段壺懸漿稼如濃雲穠含黃
柿葉亞枝收趁霜臘園雞脾盤餚香簫鼓下神巫正狂
呼兒往問當壚娘清美何如顧建康

欽定四庫全書

兩宋名賢小集
卷九十五

五

安成道中作

故家焚尾隣三湘粗有隙地麻與桑利機未判身輕嘗
生涯寄將一葉上歸釣頰尾秋滄浪
翠篠娟娟棲暗芳半隱半見誰門牆分曹兒戲幾雁行
今我垂垂老境逼竹馬鳩車憐汝狂

夜歎

丹鳥白鳥爭吞吐還雲去雲無定度不無夏簟工熨體
況有秋蠶競扶戶一嘅三嘆詎如許客思紛紛野煙縷

霄明景宴挂斜河叢萱再萌團清露有美一人在西方
白玉環珮珠兩瑤明眸皓齒艷朝陽企予望汝涕傍皇
安得鵲汝羅衣裳

畏日

畏日慘慘天西隅半規銜山我僕痛招提訪尋數里近
牛羊斷續前村孤揚塵動滿垢膩爪好風不借清涼軀
目送長雲下碣磯驚飢愁對敗陰湖

杉溪驛

欽定四庫全書

兩宋名賢小集
卷九十五

竹巖杉溪道路長道邊古驛開蒼茫分流溪水薄枉渚
挨石人家環上方王程星火何時歇霜冬草樹芸其黃
去來今昔幾男子姓氏喧傳兩女郎

北禪水閣走筆

西風涼客衣弭楫滄江潯晚吾事瀟灑聊復此登臨雲
容不礙秋清樾有餘陰煩心洗東波寸目明遙岑樊籠
脫鳥窟搖落弔蛩吟莽墟閱今昔長慨撫孤鐔故楚冠
劍盡物情幾浮沈懷哉歲將月無為空滯淫持語朱陵

翁須以早抽簪

感遇

嬖媚誰家子榮榮生輝光弄姿俯春蘭臨風振微芳秋
水揚清醴白玉雙明璫問渠家何許笑指南山陽去去
不輟軌恍若遊雲翔遙看入縹緲明月斷人腸
富貴若不常倏忽移易人青門聚瓜客曾是故侯身金
鏡失秦家中原賊煙焚屠狗販繒子閭閻排氤氲一逢
泗水公濯鱗清滄演信知天地間虛靈鼓遊塵冥中有

欽定四庫全書

兩宋名賢小集
卷九十五

神力呼吸旋峨岷小兒善播弄挈故還趨新得失定有
寄無為喪吾真

疾雷疑車音出門乃知非抱影長自明流螢點霜幃羅
帶翦秋水黃金縷春衣持看清夜闌愁非故時輝食英
心知傾茹蠟腸虛肥纂纂棗下歌惜此歲月違因聲勸
語儂勿復遲遲歸

秋日儀真即事

秋風來從越天末痛洗玻璃出明月雲罍隱起玉龍眠

下有春容萬濤雪獨壘之綸歌一葉半酣老漁棹歌發
客心寸許了無多底事臨風吹欲折

客從南來一何癯烏紗不屋非縵胡散堆亂帙現牛鏹
穿穴殫殘真蠹魚尋撞雖上亦未計立仗不鳴甘豆芻
昔人舉肥我今爾安得外澤如瓠壺

持釣

艇子悠揚打雨來最絲越箭青玫瑰昨開湫古新雨足
漲波汎入西溪隈西溪兩岸行人少白鷺對翹佳客陪

欽定四庫全書

兩宋名賢小集
卷九十五

低雲弄嬌不成去半與枉渚相縈迴藻間鰓尾厠銀鯽
正爾作羣爭曝腮故應沈餌得所置行醉甕間新熟醅
宿長山寺

蒼山兩蟠虬傑勢分天矯不緣事幽尋茲地終難到破
暝紫煙生寫谷清機好村長下半羊雲綻入歸鳥松風
卷孤磬夜半秋聲小客懷方未央千里漫白道庭樹一
鳥驚愁看楚天曉

遊麻姑觀用黃道士韻

鳥道參差挂空白雲林曾是飛昇迹漫論滄海復揚塵
已識秋山老岑寂玉駕班龍飛九色古殿崔巍遺石刻
會須揖彼丹丘人擬拾顏年茲偃息

蔣沙莊居

他日蓬蒿地吾廬瓦數溝井泉甘勝乳庭竹冷先秋村
巷時情淡田疇歲計優荆扉論日掩最喜近松楸
黃嶺虹腰抱鼇山負復橫中非避世士稍亦畏時名傍
晚澆慵酒尋春濯足行雞雛嬌底死犢子健能生

欽定四庫全書

兩宋名賢小集
卷九十五

晴屋鳴鳩婦春陂翳雉媒筋頭甘野菽鋤力到陳亥掠
水千艘健橫風一笛哀最憐雙白鳥解事等閒來
名媿周繁弱村非魯孟勞蛙仍當鼓吹徑任沒蓬蒿紫
芋新厨味黃橙餽鱸刀業詩何水部耽酒阮兵曹
劉宗墳墓國金水眇紫迴颿颿鴉巢覆疎疎樵戶開春
風持贈柳臘雪試粧梅欲識塵埃少元無俗物來

蒲田雜詩

清機陂陀外春深四五家叢祠下簫鼓平楚暗桑麻水

國潛蚪偃天程去鳥賒仙山仍在目瀟灑送生涯

梅雨催農鋤瘴風泣海檣魚龍波浪濶燕雀戶庭涼鯨

柱春到玉蟾山夜鑿霜家園兩痕浪早晚促吾裝

梅井經疏鑿如聞自昔人玉奩深貯月雲乳暖藏春祠

葉誰新汲葵芽好問津端堪事杯酌冷汰客襟塵

題鴟青春宴鵬鮑白杜驕掠風雖燕翼界雨晚虹腰醪

酥銀牀瀝羊茸紫澗苗到家幸無苦浦澈有回潮

鶴唳歸雲急龍移過雨腥桂清飄月岫槎老臥烟汀洞

欽定四庫全書

兩宋名賢小集
卷九十五

失壺公舊傳妙應靈不緣幽事隔小復理簞筭

道東無際海萬水自朝宗沃日纔分嶠浮天亦盪胃吐

吞何楚越冗長到魚龍好在乘桴客吾安議適從

早發赴蒙縣

草露垂垂白溪泥脚脚深槿籬藏吠犬桑翳漏樓禽食

已驚浮世鞭梢度寸陰利名無計得寧是死灰心

試院次韻奉酬趙達夫記室惜春之什

風酣雨輟裊簷絲端負吾人痛飲師使者嶺梅傳信遠

王孫芳草怨歸遲釀成紫府無端夢開到朱欄第幾枝
欲問東君挽流轉顛狂好在曲江詩

清真觀步翠閣

飛梯倒挿玉蟬螭危欄別刻青芙蓉送涼野水舊涵竹

借色春山擬滴裾王喬過鳬可坐揖蕭史鳴鳳徒紛如

眸子欲酸跂予望弔世清淚橫方諸

九曲池

昔帝檣烏下日邊曾留清蹕此踰躔魚龍窟暗浮春漲

欽定四庫全書

兩宋名賢小集
卷九十五

鳬雁行低破暝烟星閣摧頽空歲月蕪城埋沒舊山川

後庭一曲陳家破更看當年水調傳

江館

山川定出書意外魚鳥自閒眠對時艇子粘天歸一葉

滿頭吹雨落千麾截波尚欲論孤劍應客初慙乏大兒

聽得漁郎隔溪語夜來秋色暗江籬

建州試院次韻和林源叔監試

鷺袍粉白筆犀秋餘地爭看衆刃遊堅壁賴公專細柳

得壺如我愧中流僕姑此日先穿札綠綺何心曉報鏐
恰恰豐隆通蟄戶論功相與副旁求

春日送僉判陽承議

春山野思萬千里邨更江頭來送公別淚滴流紅杏雨
離情搖曳綠楊風一枝易遶南飛鵲隻字難憑北塞鴻
惟有感恩情不斷夜深長入夢魂中

春日舟中即事

倚閭幸有北堂親肯汎孤舟海濱萬里江湖愁去客

欽定四庫全書

兩宋名賢小集
卷九十五

十三

一春風雨厭行人花朝水國留題懶月夜鄉園入夢頻
每被烟波驚破膽却思雲石自由身

兩宋名賢小集卷九十五

欽定四庫全書

兩宋名賢小集卷九十六

宋 陳思 編

元 陳世隆 補

陶邕州小集

陶弼字商翁永州人以軍功補官兩知邕州善為詩
山谷誌其墓許可之其詩尤善言風土蠟茶詩至五

十韻事母孝謹少時嘗聚徒講授六經以奉甘旨年

欽定四庫全書

兩宋名賢小集
卷九十六

一

三十乃從軍歷任郡縣並反側盜藪多所籌畫封境
晏然每求去朝廷輒進官重任使遂老於桂林卒年
六十有四所著詩文書奏十有八卷子通冠而死以
兄之子同為通後

兵器

五代之真主奸雄紛僭偽橫磨潤刀劍白日相篡弑我
宋皇太祖潛德動天意神物既有歸乃即皇帝位不惠
兆民樂不怒諸侯畏顛倒執玉帛奔走恐後至獨有陰

山戎時時寇邊地天子赫斯怒大警巡澶衛射殺右賢
王遂斷匈奴臂狼心貼然服結好同昆弟卒聞喜夜歌
將老貪春睡自此為太平恍逾三十歲戎吳棄我間南
馳賀蘭騎陽關久夜開樞朽不可閉陣雲起秦雄殺氣
橫涇渭使臣股慄秦宰相嗔目議僉曰急發兵豎子坑
甚易倉皇築邊壘未戰力先瘁逼邊開庫兵土蝕鋒鏑
脆防秋採舊屯推轂謀新寄舊屯老且死少者無實藝
良由不訓練手足迷擊刺新寄將家子從小生富貴六

欽定四庫全書

兩宋名賢小集
卷九十六

三

韜未嘗讀口但知肉味師復從中御進退由關寺權輕
號今冗兩戰無遺類曹公棄七軍晉人獲三帥吾兵自
此喪有詔新其製此器不預設一旦從何致朝廷急郡
縣郡縣急官吏官吏無他術下責蚩蚩輩耕牛拔筋角
飛鳥脫翎翅斡裁會稽空鐵烹堇山碎供億稍後期鞭
扑異他罪愁氣擁太虛霽景畫冥晦我聞鄆汾陽料敵
多奇異單箠諭突厥番酋膝雙墜又聞李西平臨戎有
英氣身著紅錦袍懷光肝膽碎是知用兵術在人不在

器君耳舜高聽君目舜明視願採謀畧長勿倚干戈銳

公安縣

門沿大堤入路趁淺莎行樹短雲根拔山窮地勢傾孤
舟難泊岸遠水欲沈城半夜呼津口煙中荻火明

送趙樞寺丞宰虔化縣

路入虔雲去如何輕解攜人煙五嶺北星斗大江西南
雪梅花樹晴雷贛石溪青山欲無淚不奈鷓鴣啼

出嶺題石灰舖

馬渡嚴關口生歸喜復嗟天文離卷舌人影背含沙江
勢一再曲梅梢三四花登高休問路雲際是吾家

重到陽關

五管新多事輕車屢往還勤勞成白髮故舊是青山樹
色纔分楚江聲未出蠻自慙迎候少無惠及孤鰥

吟石

守邊無一事江上得閒吟醉嚙歌微出狂書墨不深潮
痕沒高岸月色透疎林此意無人解宵分淚滿襟

欽定四庫全書

兩宋名賢小集
卷九十六

三

東湖

寧越佳山水東湖帶郡城月天高寺影春雨一橋聲石
上青蒲合沙中白鳥橫天涯正寥落獨往若為情

西湖

寧越佳山水西湖似浙城桂多天竺子潮欠海門聲路
向林梢轉天隨野色橫從茲棲泊者無復渡江情

題霞溪驛

歌聲野色中人樂歲時豐暑雨陰陽雜秋田早晚同嶺

欽定四庫全書

兩宋名賢小集
卷九十六

四

雲無烈日江樹足涼風自指香山語前村有路通

登邕州南城臺

江國家書少秋臺閒草生無人來遠渡盡日上高城落
照懸魚市孤燈起戍營東園故籬句又向酒中傾

登崑崙臺

落照古城隅邊風動隼旗久閒忘戰畧多病熟醫書白
髮隨年短新情與世疎桃花春水起還釣舊溪魚

荔枝

五月南游渴欣逢荔枝丹殷勻仙鶴頂肉露水晶丸色

映離為火甘如木作酸枝繁空相染樹重欲成團赤蚌
遺珠顆紅犀露角端爽能消內熱潤可濯中乾一簇水
蠶繭千苞火鳳冠隔簾銀葉嫩透膜玉漿寒

題陽朔縣舍

石壁高深遠縣衙不離牀衽自煙霞民耕紫芋為朝食
僧煮黃精代晚茶瀑布聲中窺茶牘女蘿陰裏勸桑麻
欲知言偃絃歌化水墨屏風數百家

欽定四庫全書

兩宋名賢小集
卷九十六

五

天涯亭

雨色絲絲風色驕天涯亭上覺魂消一家生意付秋瘴
萬里歸心隨暮潮兵送遠人還海界吏申遷客入津橋
山公對此聊酣飲怕見醒來兩鬢凋

途次葉縣觀千葉桃花

三月官桃滿上林花開千葉費春心葉公城外襄河北
一樹無人色更深

登潮月亭

渡頭人語知潮上下看南江東北流試引輕帆學歸去
茶山溪淺却回舟

過清湘

嶺開蠻壤斷此地
下湘川綠水紋如染
丹楓色欲然
瘴消還愛酒兵解
尚憂邊故里誰相訪
孤帆出曉烟

二妃廟

溪上龍蛇屋蕭條
帝女祠竹痕當日淚
山色故人疑故服霞流綺
新妝月獻眉
楚民無水旱蕭鼓謝神禧

欽定四庫全書

兩宋名賢小集
卷九十六

六

送臨桂令戴若納出廣

五嶺生還少無辭酒滿觴
共經邊寇事先出瘴烟鄉
楚樹蟬聲早湖天日影涼
此行休問路官闕斗杓旁

送桂林余靖侍郎移帥長沙

戈船不用兵鼓角下湘靈
草歇初春雨天迴奉使星
江蓴波上紫楚木望中青
欲轉湖湘去家山在洞庭

送陽朔尉王翊還東海

勞生如嶺水嶺盡忽分流
草色湘中路潮聲海上洲
少

寄陽朔上官凝明府

嶺上一揮手蠻村花又疎
閒思昨夜夢勝得舊年書
地志烟嵐裏官資州縣初
詩成好相寄江水接靈渠

寄桂師趙待制

一紙降書落天恩寵作州
舊疆分海界新額上城樓
古塞南唐詔荒祠蜀武侯
前朝聲教地自是北人愁

寄陽朔尉輔臣

將斧征蠻歲儒官破賊初
日邊呈瑞氣夜半得降書
許國心非淺封侯望已疎
相逢感秋病眷眷舊溪魚

欄蠻山

西去萬里山茲峯獨限蠻
天生賊多計民賴汝為闕設
險數州地防危一日間
守邊須以道絕頂可躋攀

永平塞道中

疊嶂深千里窮邊今一隅
北風家信息南斗客程途
嶺勢頻開合猿聲乍有無
過溪人語笑隔岸成烟孤

欽定四庫全書

兩宋名賢小集
卷九十六

七

送呂濤典獄之梧州

峽口蒼梧縣城依南斗魁江潭海潮上地熱火山來草
沒嘉魚穴雲封拜表臺到應無獄訟豆蔻酒頻開

客管

一年勾漏守尋盡洞中天佛記盧藏用仙壇葛稚川醒

心西驛水燒眼碧池蓮我豈無心事詩碑與酒泉

自注
郡有

勾漏白石都嶠等山所謂三洞天也盧藏用大雲寺記
石高丈二尺西驛韋丹建閣下有石泉并記後唐李復

作池植
蓮數萬

欽定四庫全書

兩宋名賢小集
卷九十六

早登崑崙臺望戎兵北歸

春風歸未得默坐廢臺間居易終腸結安仁兩鬢斑蜂

銜新藥去燕引舊雛還帳下誰更戍旌旗出亂山

南寧崑崙關

關路下崑崙蠻封迤邐分春光偏著草雨意不離雲俗

異君修德時平將用文臨溪照綠水老鬢雪紛紛

三公臺落成飲其上

北原喬木外三將舊屯營草沒金鉞蹟山應玉管聲路

隨關地起江背瘴天傾異日誰相繼來書第四名

那霸泉

昔年觀地志此水出牂牁斷岸深無底平流暗起波感
恩來客少射影短狐多未老諸蠻在樓船空再過

羅秀山

尋山入羅秀旋結草堂居花露生瓶水松風落架書聞
猿得句後見月出行初此夕雲林下無因夢使車

會仙品

欽定四庫全書

兩宋名賢小集
卷九十六

寂寂長冥洞涓涓漱玉泉鳳簫聞夜半鶴馭認雲邊煮
茗尋安老披蓑訪稚川於中得消息何用買山錢

思明府明江

幾年來瘴外此夜宿溪中照枕殘雞月吹燈落葉風盧
循猶偽國楊僕已衰翁起戴寒星去前村燒影紅

入桂林

滿耳洋洋分嶺泉早秋時候晚涼天稻花斑白初經雨
竹色青蒼薄帶烟安得孤臣能慮患不勞明主更憂邊

東坡故老知誰在望我車塵若望仙

桂林書事

清羅江水碧連山城在山光水色間地近瘴烟人好酒
路臨溪洞卒難關心知禍福備占鬼事熟安危笑議蠻
却為林泉作詩苦三年贏得鬢絲還

寄陽朔父老

兩官三任五流年舊事人懷一惘然爵祿豈知緣武進
姓名猶賴得詩傳萬雲亭北山藏日雙月橋東水接天

欽定四庫全書

兩家名賢小集
卷九十六

為報崇賢諸父老宰君今悔把戎旄

再過陽朔寄人

昔日儒衫今武車重來父老尚奔趨後人相繼皆清德
小吏回看半白鬚條教漫為新楷法官資猶作舊稱呼
里門不閉田疇闢好買丹青別畫圖

謝桂林郡幕沈通惠詩

五色飛鸞下桂林林間新客寄新吟才高韓愈青羅帶
義重張衡綠綺琴楚尾聲名先在耳嶺南章句晚知音

逢人要指荷花幕銅柱西南煙靄深

寄桂州張田經略

五色溪州五寨城廣宣恩詔諭羣情開懷曉日重昏破
下令春雷百蟄驚塞路風埃人戲馬隔雲烟火賊燒營
廟堂有策今無用謝爾青頭百萬兵

犀甲銀盔銅鼓兵周旋五十五屯營據鞍疾問心無力
橫梁微吟尚有情卒冗不蒐秦銳士官租還用魯儒生
溪人重武輕文藝應笑擔書載酒行

欽定四庫全書

兩家名賢小集
卷九十六

寄桂林歐陽咸寺丞溪藤杖

勁節寒梢屈曲根虎牙龍鬣蟒蛇鱗採從黃鶴獨飛起
寄與青山先退人高閣倚吟留落月小園扶醉過殘春
惟存一本自收拾即日溪邊躡後塵

登邕州春野亭寄桂帥潘伯恭學士

二紀看花瘴霧中野園今日又東風人心有感時時別
春色無私處處同長笛一聲諸曲盡巨觥雙飲百愁空
風清水暖羣魚上誰向荆溪下釣筒

寄荔浦林術明府

諸蠻烽火照深溪同著儒衫事鼓輦壯節已皆成皓首
孤蹤猶未得丹梯鬱蒸草氣龍蛇舞昏黑空山鬼鳥啼
十八人中存者六孰為霄漢孰為泥

賓州閔武堂

南嶠風雲久肅清壞溝殘壘號昇平官曹惟識簿書字
民俗不知金鼓聲往歲忽傳南詔檄近時方築伏波營
安成太守深邊計茁茁花開閔水兵

欽定四庫全書

兩宋名賢小集
卷九十六

那霸泉

路下牂牁水石間三分纔過二分山年光欲盡家猶遠
嵐氣雖疎鬢已斑賓從笑談譏獨進兒曹音信喜生還
南風一夜吹鄉夢數刻飛過五嶺關

龍州秀嶺

路隨雲磴石梯行限隔華夷天意明自與大君為外屏
何勞諸將作長城福民可拜三公爵壽聖能呼萬歲聲
海國未疆崖石老待誰來此勒功名

思甘泉水寄通判景範梁屯田

二井鑿通千佛塔七元流濟萬人家波心不動青天色
井口常飛白雪花見釀宜成殘臘酒聽煎尤焙早春茶
歸時覺久添新歲羞向寒清照鬢華

題芙蓉亭

邊柝無聲獄訟疎芙蓉池上避金烏民收果實充田賦
匠寫空形入縣圖白鳥知機遠冠蓋紫鱗貪餌落盤盂
主人非為清香設愛此烟波似五湖

欽定四庫全書

兩宋名賢小集
卷九十六

膏澤峰

石壁含天澤南山第一重旱時先出雨陰穴必藏龍雲
影搖諸壑雷聲起半空滲成泉脈大滴出土膏濃溝洫
施仁澤民誰帶戚容何當大滂沛盡活四方農

淪漪閣

談笑淪漪閣藤花竹葉間易醒江上酒難畫雨中山

屏障山

名山愛陽朔平陸逼峰巒郡境尖中折人家缺處安